

葉文敏公集

葉文敏公集十二卷

葉方雷

撰

石石齋藏書抄本

方雷字子吉號詞菴京山人明治己亥進士一甲三名授編脩官五十年後升右侍郎存也
二十一年卒年五十四福文敏公集乃文七卷詩三卷四庫館目有方雷詩七卷偶有鈎心卷
有詩七卷其未遇時有解高集於京師者不不亦此其致人所謂與詩並存方雷詩
文所有法度視同時張英徐建徽似若止一但與年不及其親而引王在却序錄方雷
引宗錄安字眉山壽甫某小侍郎引引王在却序錄方雷
引允徐氏王令治為兼序檢學卷數病名三公許休行訪詩通音州蘇清康子植撰
乃意有集時以知者其地楷村詩集係諸方雷與徐氏子至就而不相離仁孝間滿
徐氏時懷苦方雷適方居乳學問士惟百計望操方雷將自學後其子亦不刑侍懷
志同年極乳學之子徐家而某方雷女兄乳學也其父有去許連姓云其故令叶集有相類
乃乳學公行狀母某物慎因其七字方雷方雷詩也一言其有按某方雷與徐王詩乃此而
方雷加聯字字足其不一因因也其方雷詩是名子人也且四月晦日交方雷子許子成刻刻居
凡雷雷俱刻時修海王五卷七文

葉文敏公集

應制

賦

御試瀛臺賦

御試南苑賦

進呈後瀛臺賦

進呈璿璣玉衡賦

懋勤殿秋蘭賦

說

御試學齋說

考

御試河源考

論

御試太極圖論

表

獻平隴右平閩南雅表

平隴右雅二篇

并序

平閩南雅二篇

并序

皇輿表成進呈表

賜御書太極圖說唐詩卷軸謝表

歲

建呈丹康八歲并序

文

昭陵神功聖德碑文

召對懋勤殿雜記

書賜翰林張英高士奇御製詩後

疏

請增廣祕府文籍疏

史書關係重大懇祈天語申誠疏

刊完尚書解義疏

請購書籍疏

請優講官缺員疏

擬上疏通翰詹官僚疏

奏辭 寵命疏

奏請 方事疏

詩

侍宴瀛臺泛舟賞荷 應制十首

恭和 聖製賜內大臣輔國公俄啓絕句

恭和 聖製大將軍奏至元亮聞覽賊黨潰散

勅諭諸將分道進剿以安民生其有歸命者用

心撫輯毋負朝廷至意

八月二十日

召見懋勤殿奉

命賦

經筵詩

應制排律一首

葉文敏公集

賦

御試瀛臺賦

惟

皇清受命混一海寓建邦設都開疆故土煥紫宮之喬
皇耀丹闕之輝麗五雲鬱其上浮九重屹英雄峙固已
運中央設萬國奠六鰲翠四極樹無外之弘模立不審
之選則者矣爾迺

皇上聽政之暇思以盛睿情洽宸歡頌匪日咏斯千爰
循故國之遺趾聿起新朝之壯觀端乎其所謂瀛臺者

是臺也聳金墉之西隅環玉河之四匯蓋鴻濛而建標
聯觚榭而交彩雘雲霧以檻楮桐星辰以戶根廊逕覽
於九州迺景福於千載寧良工之役其鬼神直上宰之
移其蓬海觀夫紫圜霏微碧其深宵層櫺揚藥飛梁天
矯陽馬驤騰於四榮陰虬躩踞於八表芝栢煥其戢善
桂柱挺而踔躑躅朱綠之璘璫續仙靈之縹緲金鰲玉
煉連閭道以紆迴雕碧文珉緣御埤而窈窕中浚藏溫
室理曲房蘭牖添井螭栢鳳牕瓊寮珠戶玉階瑤瑤青
瑣蔽絕夫綺䟽丹雘歛絕乎雕梁既岩峩而雲霧亦蜺
蛺而燁煜瞻瞻同旁俛仰上下其異然者為亭其曠然

者為榭其幽然者為淵其呀然者為罅鸞蕭象管奏天
樂於芳朝雲袖霓裳奉宸遊于清夜山則林麓深靈岡
巒參差嶽巖峩峩嵬嵬王女捧盃而上睨仙人引
掌而下垂湯寶地而傑立非神變其誰為水則發源西
山海流渤海汎濫洄瀾澎湃奔駭走碧沙以洄激白
石其磊磊似萌水之蕩颺乎神居望瓊樓珠閣而翹翹
則有珍樹敷榮瑶草含秀迷穀海開華平長茂肅慎貢
夫雉常拘彌獻其變盡紛沓蒼鬱左右前後畜九真之
祥麟園林氏之騶虞馴條峯之蒼鹿閑大宛之赤駒鴻
鵠鸛鷖互頡頏于霄漢鵲鵲鵲鵲爭唼唼于菰蒲青鯨

裔興而遂其羣育白魚跳躍而應其貞符時維春也勾
芒司令太皞乘權萬水紛其向榮百彙呈而闢妍條風
披拂淑氣回旋

天子於是御蒼玉之輦載青帛之旃望遠筐于桑野省
錢鏹于農田顧菁華以敷貢達幽滯而昭宣或賞花而
作賦或岳釣而擣篇時維夏也長嬴序臨祝融炎燭平
疇麥登凌室冰薦美嘉木之留陰賞芳蓮之發絢

天子於是彈五絃之琴揮七華之扇駐浮槎于太空引
神龜于綺殿既解愠而阜財亦覽時而察變豈繡嶺之
能方而甘泉之可羨若夫白帝改候青女戒時百物告

瑞萬寶薦釐

天子乃復出重靈降層幄騁大兩擁羣祇講獨狩之典
習戰陣之儀八旗雷動七校雲移睥睨擎電搏熊肘熊
弧彎而蒼耳落劍舞而白猿馳凡以順金令之肅殺而
代造物之威施至于北陸迎暉南方見昴虹影既藏雲
物斯考

天子乃復宿神紫微棲心玄顯爰燕息而深居用恭嘿
而思道牙籤錦軸朱文綠字之奇玉匣金騰大貝赤刀
之寶周廬環護夫百靈宥密靜通乎萬肇嗚呼斯真所
謂斟元化順序嘉攬金鏡調玉燭酌兩儀之節宣統億

萬於掌握爰窮高而極深自膺福而綏祿故能蒼未及
侈儉而不陋規遵王度動中得趣構成靈闕結為神宇
擬玉虛之青都恍太乙之紫府觀者目眩而精搖聞者
神動而色沮斯固侍從之方朔不能馳辯而逞詞行詔
之相如毋容揆藻以抒麗者也爾乃下里之士負書珥
筆挾策周京觀光上國躋躋鵠班之後徘徊象魏之側
喟然興曰夫詩書所呈史冊所紀唐堯茅階虞舜蒿柱
混沌淳罔不可久處若夫周有靈臺而興秦以阿房而
廢未央建章臨春結綺神仙長年良嶽瓊宇或藉之昌
或荒以圯惟居業之不同斯處室之各異今我

皇上端而虛儼而佇高拱九玄洞囑萬里咨臯夢訪伊
呂解網縱禽吹律四黍親言視聽後其思歲月日星符
其序兩時寒燠四時若其官食貨賓師八政脩其紀是
以庶徵應百福綏遠為和風近為朝曦及物：解被人
人怡練太和于神明動歡忻于四肢雖一遊而一豫亦
可咏而可思夫臺之以瀛稱也唐有瀛洲之榮宋有瀛
館之選皆以慶夫石渠之英而集彼金門之貴願何草
茅末品蓬萊微賤亦得翱翔碧霄眺瞻清殿繞龍鱗而
識

聖顏移雉尾而窺宮扇深荷高厚之神施敢矢涓滴之

徽願請為作歌以志舞朴歌曰

維皇有道無反無側維皇有路蕩平正直皇在靈囿熙
熙長旦景星紛陳卿雲是爛皇在靈沼澤沛恩浹海水
無波江濤有截皇之出兮百神駭奔雨師洒道風伯清
塵皇之入兮玄一守戶以翼以于是焉是祐惟圖錫茲
惟方獻與惟岳輸固惟溥效濡億萬斯年我皇燕胥

御試南苑賦 有序

臣謹按昔人有言賦者古詩之流所以稱頌君德宣揚國體託諷諭摠忠愛匪徒以靡麗之詞競工拙而已我皇上繼承鴻緒侯爵一家車書萬里比隆唐虞起軼殷夏夏哉尚矣而聖不自聖兢業之躬行儉樸風厲天下凡宮室苑囿如史冊紀載析年建章柏梁長楊之屬未嘗一留心焉獨都城南二十里名南苑者即前朝南海子地建立兩宮亦不過剪茅䟽土足容乘興而已每當三時之暇親率八旗之士講武其間蓋遵先王獮狩之制安不忘危憂深慮遠非他巡遊行幸比也微

臣謏

男仰窺神運未名一二輒搥短管頌紀庠功恭譔南苑
賦其辭曰維

皇清受命建邦啟土據天府以設險憑神京而作固總
奔湊于八荒測圭影于中度既定賜于周業亦克熾乎
漢祚

天子遊心闕室偃神齋宮念勦造之維艱思撫馭之宜
隆考王制遵國風樂農人之閒隙因校獵而詰戎維茲
南苑附麗禁近依亘天中審適

宸居表震金墀上下之所依藉陰陽之所環封于茲地
而講武實闕崇而為雄于是出神兵於嵯闕羅天仗於

廣野斂林虞與水衡解土物之多寡萬乘雷動千騎馳
屯捎扶桑觸奔雲刮月窟搜天根赫壯觀于今古業搖
蕩於乾坤

駕之出也撞署鼓揚鸞旌煥聖武披宸襟乘玉輅之飛
龍歷神州之層岑遊五祚而瞰三危起細柳而越棘門
攢高牙以總々駐芝蓋之森々爾迺仗倚天之劍響落
月之弓吹唳則崑崙可倒暗鳴則宇宙生風河漢為之
逆流岩阜為之摧容羽旄揚而普天絳獵火照而燕山
紅遷蚩尤之徒廣休飛之職窮幽崖羅深澤鞭兩師驅
風伯九州之珍禽皆歸置網四陸之奇獸悉逐各獲則

此百里之地豈曰一隅之偏固已陋上林之體制同靈
囿之規格南以檇霍爲戶北以代恒作闕夾東海而爲
重稅西梁以流液斯誠斧父杖策不能逐其踪而章亥
按步無敢窮其域者矣維時輦下小臣賡太康之訓誦
祈招之詩效子雲獻頌希相如之上書

天子顧而不罪笑而解頤此國家之大計爾鯁生其焉
知乃復凝

聖情以逮慮考得失于終古美至化于黃姚壯成功於
大禹恥用兵之涿鹿卑窮戰之丹浦坐明堂播始和發
政施仁賑窮恤孤天地協德神人昭蘇修文以來士耀

武而止戈然則賦南苑之事宜乎配大雅而登歌

進呈後瀛臺賦

有序

臣某頓首再拜上言臣昔丁酉歲充江南貢士至京師
蒙

世祖皇帝召見試瀛臺賦於稠人中拔置第一是時臣
學問幼稚詞章蕪陋無以發揚盛德報塞殊遇中心悚
惕抱疚至今今幸獲事我

皇上伏見

聖駕駐蹕瀛臺我決庶政觀乎祖烈快有重光詎感舊
戴新私心忖度謹復譔瀛臺賦二篇語雖粗鄙意實懇
至沐手繕錄恭呈

御覽無任傾越之至

鬱彼高臺宸居之雄雙闕天半三山海東洵蓬萊之真
宅為太乙之清宮據形勝則同環玉河之水遶岩壑則
延眺翠微之峰壯九層之瑰麗迺萬戶而玲瓏遠而睇
之星辰的鏤森洪濛近而即之鰲鯨蜿蜒連蹏踈凡夫
珍禽奇獸喬柯異卉充牣其中熟不載

皇仁之茂育蘇勳桓而樂餘融美哉臺乎非摘華瑤藻
所得而彷彿形容也緬維

先皇締造勤勞以有天府之國遏亂取殘戎武斯赫正
萬邦制九域撫三辰暨百職構斯臺焉巍々奕々豈徒

快雲物之紛披侈遊觀之宴適者乎蓋大寶于堯乎靈
承庶猷于是乎密勿勵精出治不遑暇食前公孤而後
卿尹左詩書石圖籍鑑古今之理亂討

國家之沿革所以為萬世肇基創述亦云藉矣我

皇上際重熙累洽之餘冲齡受牒堯步舜趨文謨武烈
啟講席而崇師儒闢賢聞而羅俊傑屏瑤臺瓊室之娛
片金馬碧鷄之說朝而兢夕而業繼離申翼綱紀
無缺既塗既獲之斯勤攸躋攸于是悅同己胥天下
為一家延八荒于我闈庶幾萬宮節殿可興之頑頑乎
而下此望海通天八風九成卑卑乎不足以方軌而並

埒矣。當夫天闔既起，庭燎乍光，雲消珠斗，月落倉琅。鷄人之曉，籌罷唱鵲班之播芳。起鰭移扇影于昭容，暖爐烟于未央。

天子憑玉几而端拱，諸臣獻丹宸而動勸。斯時也，凝神穆穆，發言洋洋。如在太廟如臨，樞章瞻堂，構之依然。念水木之深長，繫前謀之翼燕。羣景祚于苞桑，懷乎見而優乎聞心。拳拳其不忘時而饗。

天祖格鬼神，率父天母地之制，修圓立方，澤之文。象格思誠而夙，駕龍旂致孝而明。禮此。

先皇于斯臺重尊親也。時而會玉帛受共球，厚燾土苴。

茅之族恤梯山航海之僑賜形方而湛樂享鹿鳴而淹
留此

先皇於斯臺大懷柔也若乃爵祿之激揚賢才之去取
弊六計而廉崇拔千人而尤舉薰蕕同雜其途鳳鳴弗
蒙其羽

先皇論官造士之法斯臺具焉又若國計之盈虛人情
之憂樂準兩稅于度支裕九年于金匱貨寶勿撓予心
衆孺必關民瘼

先皇節上愛下之政斯臺振焉至如省園囿之曠詰軍
旅之机定流平允步伐戡止齊空貫索於桁楊掃妖孽於

旌旂皆時務之急也

先皇蒞斯臺而治之於是惛然以望惕然而思思夫幽
明未格則設釣臺而大饗賢良未升則築金臺而廣採
淵殘未復則鹿臺之藏可散奢靡未節則露臺之費宜
裁彼駐蘇臺而歌舞登吹臺而徘徊走避風淩雲之鹿
豕弔聞鷄戲馬之蒿萊其為聲色玩好之蠱惑土木神
仙之荒誕者尚有鑒于前哉顧義：小臣猥卑業謏效
馬卿之摘詞希王褒之操翰慙昔登高賦焉向玉輝而
親獻

先皇謬賞其凌雲數讀之而稱善今獲侍承明陪清晏

櫨薪菲於寸觚託丹忱於矇諫頌

祖德之常在祝

聖政之日新視無形而亦保聽無聲而儼臨調玉燭於
天上躋泰階之昇平區區臺榭之樂山川之美未敢為
至尊累舉而繁稱也臣雖乏繪天之筆猶能以管窺蠡
測者紀乾坤之曠濶頌日月之昭明

進呈璿璣玉衡賦

夫乾苞闢秘聚氣母於義皇神策迎長占斗綱於軒后
南正司天之載五緯同躔東隅迓日之年四時成歲乃
肇運天之制爰垂曆象之名邇矣億哉爰乎尚矣若其
靈承帝眷敬授民時基命夙夜之心效法聰明之德先
聖後聖其揆一也哉

皇上凝休紫極昭受璇穹上治而協健行下交以成恭
運珍符霧集聚房會井之精景胤雲臻合璧編珠之瑞
猶且卑心不懈奉若加虔推玉律以調八風授靈臺而
占五侯星球乍放不踰分至之司奎表初懸無爽陰陽

之景緹宮吹管即應黃鐘嶰谷鳴簫矣煩黑黍此惟清
寧同撰日月合明故仰昊瞻天久在

淵衷已裕勅幾觀象不越

反躬而求矣若稽勳華之代首崇平秩之規是有璣衡
用資測驗以之考憲而七政攸齊以之亮工而五辰斯
撫固稱隆于曩昔實契合于今茲敢竭踈庸敬陳斯賦
天德徒行聖功時憲懸象路回泰階巍煥並明照以升
恒握神機而清晏攬貞觀之同符美勳華之再見審曆
養之遺型考璣衡之舊撰爾其乾文中列坤贊外包機
織畢設綱組斜交既緯之以圓軸又筦之以橫蕭飾璣

珠之玃璫瑒崑王之英瑤輸激水以自運旋璽樞而不
撓三皇之義而六合莫之外一寸之管而萬象不能滿
其為體也規如彈丸其為用也捷如轉圜其為象也三
百六十有五度之廣其為數也一百七萬六千里之寬
黃道赤道界其內南極北極持其端日月迴環于其際
星辰縈帶于其間東遊而蒼龍晨駕西遊而玉露宵溥
景長而朱曦送燠景短而清風戒寒辨蚤晚之異候察
盈縮之殊觀雖渾涵于一氣寔森布于周垣智非同於
窺牖情寧等于扣槃彼夫浴下初基解于爰度測靈憲
於張衡造銅儀于錢樂承天淳風之改造一行郭公之

制作莫不研測慮于毫厘覃巧思于冥漠法加密于前人理終資于先覺繼能析夫天象之至微猶未喻乎聖心之所託也蓋璿璣之所紀者名玉衡之所窺者形非道之妙名非理之精道則剛健而中正理則元亨而利貞是天體之所以宰乎化育而至德之所以合乎穆清故乃上瞻峻極仰則高明旁規二曜疏觀列星占以五事驗以庶徵以言乎日太陽之精純離之質聖人法之以施剛德資升辰以答陽臨形軒而辨色洞萬物於幽遐統羣公而祖識煥昭明于四方布暉光于九域以言乎月內政之修陰教之協聖人法之以安衆節循晏

璠以有時慎糾虔而罔忒致少來以備形謹後宮而辨
別起風化于闔雝絕燕私于女謁至夫五緯行天日月
之餘彼遲留而伏匿即消息與盈虛雖疾徐之各異及
次舍之懸殊要觀禋而禳災則唯修德以臨諸即歲星
之所居占有國之福厚可以義致天下而躋民于仁壽
曰重輝與攝提于久暫而知乎疾貞木德于分芒折得
歲而昌後熒惑生火盛災斯徵君德昌而退舍天道僭
而失行即進退以窺休旺占出入而驗戎兵縱守心而
犯斗苟有德其奚背彼太白之司兵占金氣于角芒或
近日而為彗或遠日而為劍察日行以處位出常期而

國昌或經天而晝見皆可考驗平機祥若辰星之水德
與太白為主客默然太陰之精彗星與月蝕亦為兵
而黑為水熱則黃而旱則白皆一歲而比天以環陽而
附日至乃填星為土中失之宮名惟地候音則黃鐘彼金
飢與木稼喜土德之居中歲二十八而一周居國久而
祿是曰三辰亦名七政惟在下者召其和在王者彰
其應匪天心之偶違從實人事之多逆順皇天乎不聞亦
式禱乎非言而今必敬凜夫旦明若儼承其提命斯
軌順而階平庶幾明而衡正為象緯之貞符作帝王之
金鏡非甘石之能窺詐義和之足問繫我

上聖端拱垂旒傲天體之廣運嚮明堂而囑幽喜怒哀從
乎風雨刑賞協乎春秋貌言視聽以成飭水火土虞之
交修肖乾坤易簡之易演皇極欽錫之疇是故天不愛
夫寶道神永猷以嘉庥德有動而必叶感無美而勿道
定永年之曆數荷帝錫之共球瞻榮光于德水產英英
於皇州受昭華龍叙之器賡卿雲獲旦之謳婉陶唐之
茂烈方虞后之徽猷又何假乎玉璫銅渾之製保章馮
相之儔

懋勤殿秋蘭賦

臣某於七月二十四日入直南書房臣英臣士奇示臣懋勤殿秋蘭賦二篇竊念蘭微卉爾得列廣夏之間細旃之側值深宮之餘閒邀

天顏之一笑何其幸也臣又聞十室之邑必有忠信十步之內必有芳草山脈海澨含英孕奇者何限物倘有知欣向榮之情曷能已乎於是廣此意而為賦曰

覽大鈞之播化察卉木之殊類庶土而滋繽紛蒼華或品下而裁榮或質幽而地賴惟懷芳兮凌崇斯揚挺兮呈瑞相彼幽蘭精英淑粹當其萌茁于山陵也靈根所

託不高不平。隱下澤之沮。如厭層巘之險。巖倚翠微之
徑。曲綠碧澗之水。媚含華吐秀。芬敷色披。背叢葩與寶
蕚。映杜蘅與江離。夫其池陂雖殊。應候自若。冬索春敷
長茂。秋落乃有。類同稟異。貞姿晚芳。句芒升而細葉始
抽。蓐收御而珠英方拆。衆皆黃落。以萎摧。此獨流馨而
綽約。潔固兮似抱德以待時。晶英兮類協期而知托依
赤墀。入紫閣。長結蔭于玉除。永栖影于金屋。且夫懋勤
之為殿。

聖主于是乎寧神端拱。怡情典學。擯先哲之菁華。落圖
書而升履綺疏。日上兮鉛槧。雲、栴檀。風來兮芸香。漢

漢延載華之儒臣
褰穆清之淵幕於時松牖始秋梧宮
未霜蓮渾變彩竹院生涼蒼苔紫砌瑤草拂廊綢琅函
而氣爽抽鳳藻而思蒼爾乃綺窓之下緋几之旁翠枝
縹蒂紫莖綠穰天香流兮拂幽蘊發兮揚至如陽
暉早曙露濯清宵鶴洞初警蛩吟乍撩蚪窟晚靜蛛網
畫簾抱孤芳兮若遠若近玩貞姿兮載葩載葩韶過青裳
之薰鬱默將離之艷妖亭兮芳如謬誇之臣矣冰心以
環列

左方纓兮如潔修之士敷玉蔕以掩映

宸霄彼夫上林之薈蘼離宮之扶荔陵丘蟬聯阜澤搖

喬者不可勝紀皆擯置而不陳獨此蘭之繞砌于以見
崇實而斥華尚德而戒藝栽培乎素履之林擬採乎晚
成之蒂根深而其膏必沃植厚斯其功弗替豈無緣山
被阿枝蔽華岐怨空谷之莫採經霜霰之淒其則與廉
鹿偕處腐草同披空寄生于野人之圃或分蔣于山客
之坻雖烟霞之賞愛奚崇高之見知臣聞去蕭艾惟虞
未盡藝蒲蘭常夏不榮何難羅三湘之秀鬋七澤之英
畫九畹之種空百畝之羣上窮嵯峨之顛下徹清冷之
瀆排之拭之芳咸登

有道聖人之側俾流徽于宣化之園崇禮之廷而且林

總芳萬品之菁薈扶疎兮千世之蔥菁

原缺

葉文敏公集

考

河源考

康熙癸丑三月初六日

皇上命詞臣作河源考於是臣謹纂史籍舊聞以上曰
自漢張騫使西域尋河源以為河水發蔥嶺趨於闐洏
鹽澤伏流千里至積石再出唐薛元鼎北使訪河源云
得之闐磨黎山相傳以為信而元世祖始命其臣都實
為招討使佩帟符往求之四越月而得其源於朶甘思
之西鄙四山中有水百泓匯為澤若天列宿然即星宿

海也其北在中土西南直四川馬湖府之正三千里雲南麗江府西北千餘里實中土山根所自起而審所訪乃出其西萬里外蓋以當時諸國道路不通迂途以求未免反失之遠矣自星宿東為赤濱河合諸水漸大即黃河也于時水尚清淺又東行加渾濁至桑甘思北鄙有大川滙合益壯大直抵騰乞里所為崑崙者是也自崑崙東北行四千餘里始至蘭州統朔方上郡又東北出境外經受降城東勝等處凡二千餘里始轉而東又南流抵蒲州潼關凡千八百里蓋總計九千餘里始出三門析津歷孟津虎牢而東奔放平陸吞吐諸小水百

數勢益雄壯其來遠而注必大理所固然此河源之大略也蓋古今大山大川南北兩戒其最關係者河水江水而已江之性屬陰源出岷嶓不過千餘里其深不可涉又多洄澌其勢緩故江匯漢兼澤湖湘水雖甚險阻而未嘗衝突而出以為人害河之性屬陽躁而好動其源從遠而來北地土厚泉少土又平坦故河當水落增伏時其河身僅與東南諸小水等淺者幾可褰裳而渡及秋水至百川盈峽六七月淫潦西北之水相助為虐瀾漫平壤僅以開封大名魚台徐沛數郡委之無峻險之防其患遂一發而不可制然而自明以前言治河者

不過憂其散漫潰敗侵害民生假令順其自然之性令河遠北與衛河合入海徑便而易達故其為害常小國朝定都燕京踵明之舊藉河利漕勢必防其北行為漕憂而必逆折之以使其受我控御夫水順導之則易而逆折之則難而又出於必不容已此河之所以屢築屢決卒無善策以厯

聖明之慮誠不可不計其萬全以為一勞永逸之圖也明立濬衍義補常採元虞集之言以為西北水利若興則處：自有餘粟而輦下之積貯自壯可以不煩東南轉輸漕既不賴于河則治河之策即可因時制宜別為

利導藏省國家數百萬金錢隆萬間又有奏議云淮河
以上一帶大有曠土竟可從河之西仿北河樣別鑿運
河三百里以通漕而此河則別為疏濬順其南北其時
以鳳陽陵寢恐傷地脉而止在于今則似無礙雖其說
未必盡可施行而值此

宵旰之時剪莠之一得亦或稍有可採者故并附

塵

塔覽焉謹考

葉文敏公集

論

太極圖論

自易言太極至宋濂溪周氏作為圖說始以無極太極
發明聖蘊紫陽朱氏復為之詳於是斯理大顯臣謹論
曰天地之闔闢人物之變蕃上古下令之轉運不窮際
無極有之推行不礙樞一陰陽為之然陽不能自生陰
不能自成有主宰是氣妙合而凝之者當其無聲無臭
無形無色朕兆未剖之中萬象森然靡一不具變化生
息悉從此出而不知其所以然之妙此所謂無極而太

極也臣則謂未有天地以前太極在氣化既有天地以
後太極在聖人在氣化者不可見請就在聖人者明之
太極非他即吾生生之心仁而已仁之未發寂然不動機
緘苞固一渾淪之體仁之既發隨感隨應隨應隨足
父子親君臣義夫婦別長幼序朋友信齊家治國平天
下出之無有窮措之無不當是故能盡其性則能盡人
之性能盡人之性則能盡物之性能盡物之性則可以
贊天地之化育夫至于贊天地之化育而生生之仁始
無遺憾大極之妙全乎一心矣堯舜之如天好生性而
有此仁者也湯武之朕躬有罪毋以爾萬方萬方有罪

在台一人反而有此仁者也其他以後之君莫不好生而得之不好生而失之於仁或離或合具其一端而棄其全體終不能仁覆天下而追唐虞三代之治蓋生生之理在我則天下共恃以為生生之理不在我則我先不能自生而何以能生天下世之論太極者囿于形器之中但知晝夜遞更寒暑迭運四時行百物生以為氣化使然與已不甚關屬而不知反求諸身卷之不盈一握敬之瀕乎六合欲立立人欲達達人如是親切而有味故臣之論太極舉一生生之仁而豁然也或問臣曰仁于易為元配亨利貞于圖說為水配水火金土太

極者含四德苞五行而顧欲以一仁蔽之乎臣曰否易
與圖說之于仁偏言之也臣之于仁專言之也易之元
而亨亨而利利而貞貞而又元其循環不已者何物乎
圖說之木生火火生土土生金金生水水生木其尊
息不停者又何物乎故曰生生之謂易圖說亦言二氣
交感化生萬物生生不窮夫生生之理其在聖人非仁
孰足以當之分而名之則仁義禮智信合而名之則一
仁仁則仁之愛義則仁之宜禮則仁之敬智則仁之別
信則仁之誠實孔子曰天下歸仁焉天下歸仁而尚有
不義不禮不智不信者乎孟子曰以不忍人之心行不

忍人之政不忍人之政而可以不義不禮不智不信行之乎故聖人有時以喜為仁亦有時以怒為仁有時以生為仁亦有時以殺為仁無非此生生之機發于不容已時而出之使無滅息已矣程氏以為仁如穀種其喻最切夫穀之為物能養人則似仁之愛種類各別則似義之宜交生不雜亂則似禮之敬不與衆忤伍則似智之別春生秋穫不喪其時則似信之誠實然是五者若不得種則無以為託程氏獨以種喻仁其即臣所謂生之仁乎其與易圖說所言含四德苞五行之太極有二乎無二乎或有問臣曰仁為太極是則然矣然朱氏

圖解謂物物各具一太極則太極盡人而具今獨歸諸
聖人豈聖人有仁而衆庶無仁乎臣曰吁何說之陋也
周氏言之矣圖說曰聖人定之以仁義中正主靜而立
人極焉君子脩之吉小人悖之凶太極有極人亦有極
聖人人倫之至仁本盡人同具而立極則非聖人不能
臣又以為聖人在下位則其仁可以立極而盛德大業
不能頃刻遍諸天下故又在乘時行道之聖人然而立
極之事難言矣雖有聖人不敢廢求仁之功請陳其槩
厥次惟五一日凜幽獨人主端居法宮念慮未起外不
與臣工接內不與婦豎接此圖所謂無極太極○之時

乃生生之根柢而已興物所共說命者也理欲之名未
立則渾乎仁而無不仁可喜者此時可懼者亦此時存
養之功無如一敬書之安汝止惟幾惟康詩之不顯亦
臨無射亦保如是則清明常自湛然而非幾不貢吾仁
之本庶乎立矣二曰察幾微人心至靈豈能常寂而無
感方寸之頃忽然而觸人雖不知而已則獨知此圖所
謂陽動根陰之之時也生生之仁寔于是乎萌蘖為理
為欲出此入彼間不容髮過此不察遂有不及察者司
馬光有言水之微捧土叩塞及其盛也漂木石沒丘陵
火之微勺水可滅及其盛也焦郁邑燔山林維欲亦然

故聖帝明王制未亂保未危慮必極其蚤而辨必極其精夫如是庶幾弗迷所往而吾仁其不可淆矣三曰密言動人心既動乎中即不能不形乎外威儀詞命實傳吾之精微以告人此圖所謂陰靜根陽之時也生生之仁實於是乎發露吾雖能審其理欲矣而一時就于便安習于苟且恐其猝發而不及制持守之功可不立乎非禮勿視非禮勿聽非禮勿言非禮勿動聖門教人用力之方也然在人主聲色翫好誘之于前左右嬖倖伺之于後莫不欲乘其一言一動之釁而入焉閑邪存誠之難又有百倍于恒人者持之以勇而決之以剛夫

如是庶幾弗撓所守而吾仁其不可奪矣四曰考實德
人主凜獨以來根心生色暢於四支則其理在我自然
躬行心得之妙此國所謂陽變陰合五行順布其之時
也生生之仁實于是乎堅實吾仁中國有是仁義禮智
信之五德矣然不知是五者之德果能全備于我乎試
一思之必無不愛而後仁必無不宜而後義必無不敬
而後禮必無不別而後智必無不誠不實而後信五者
何以缺一而不可何以相成而不悖何以衆人皆全而
卒不能全何以聖人克盡而我不克盡反而求之使自
得之務令根原融洽而條理脈絡周流貫通夫如是吾

仁之體無不具而用亦無不足矣五曰驗功化人主備
仁之五德則有聖人之德卽有聖人之功此圖所謂乾
道成易坤道成女萬物化生○○之時也生生之仁于
是乎非行盡利吾既歛仁義禮智信之德于身卽用是
次第敷錫之而親親仁民愛物皆在是矣雖然豈易言
哉四海甚大萬類甚繁由藏以及疎由近以及遠由有
知以及無知莫不待治于我人人養其欲物物給其求
則心誠無不長偽無不消公無不伸私無不誦善無不
舉惡無不懲利無不興害無不革凡所施為一一合天
下同然之心理夫而後以饗天祖則天祖歆以惇九族

則九族叙以釐百官則百官欽若以綏萬民則萬民從
又以長養百品庶彙刑焉設魚鼈草木喬熙熙將若
同在太和元氣之內吾仁之全體大用無該畢具生生
之化在天地而生生之妙在一心矣凜之幽獨以端其
原察之幾微以防其萌審之言動以謹其著考之實德
以立其體驗之功化以究其用五者之功周而復始始
而復周日新又新千變萬化不出一本故曰聖人以此
洗心退藏于蓐而求仁之功盡此矣人人可能而不能
聖人能之而無其位則功化亦不能然則立極之事非
乘權行道之聖人孰可當之哉太極之極先天之極也

不求仁而仁也聖人之極後天之極也求仁而得仁也
天地無心而成化聖人有心而無為有心者求仁之功
無為者立極之妙臣竊謂仁即太極而繼之求仁立極
之功以為我

皇上進

臣謹按周氏太極圖與全易之橫圖及方圓二圖所
為先天之學實相表裏無極而太極云者即先天圖
之太極也動而生陽動極復靜靜而生陰靜極復動
云者即先天圖之兩儀也陽變陰合而生水火木金
土云者即先天圖之四象也無極之真二五之精妙

合而凝乾道成男坤道成女云者即先天圖之八卦
乾與坤交而生震坎艮坤與乾交而生巽離兌也二
氣交感化生萬物而變化無窮云者即先天圖之由
八卦而十六十六而三十二三十二而六十四也聖
人定之以仁義中正而生靜立人極云者即先天圖
之皆從中起而萬事萬化皆生于心也蓋自伏羲畫
卦文王周公彖之象之孔子傳之翼之越數千年而
周氏復為此圖闡明斯義其云無極正見無形有理
有理而實無形所以發揮太極之妙而豈有加于四
聖之旨哉朱氏不憚重複條分縷析而周氏之書始

昭然于天下後之學者無所用其疑議矣然朱氏以
為周氏以此圖授二程氏而二程氏未嘗示門人恐
其馳心空妙而不能嘿識于意言之表又以為此圖
詳于性命之原而略于進為之目有不可驟而語者
臣繹思之先天以往天命之性人不能興其事者也
後天以來率性之道修道之教人所當盡其功者也
故在今日論先天不如論後天較為親切伏見論語
曰仁大學曰明德中庸曰誠孟子曰性善而反求諸
身生生之妙天地萬物聯為一體不越一仁疑此即
太極生天生地生人生物之根本妄擬後天仁體一

圖以配太極列其工夫節次曰梁幽獨曰察幾微曰
審言動曰考實德曰驗功化由戒懼慎獨以臻位天
地育萬物自然之極致使知吾身之一動一靜即太
極之一陽一陰其理未嘗有一息之停其功不可有
一息之間竊謂人能弘道非道弘人弘道之責斷在
皇上體後天之功以合先天之機敢因

清問所及一竭顛愚所恨臣學問奔鄙識見卑陋聖賢
儒先之書未能熟讀深思徒以影響浮泛之詞挂一
漏萬于義理毫無發明此則此筆之下既慙且懼者
也臣某謹記

葉文敏公集

表

獻平隴右平閩南雅表

臣某頓首再拜言伏惟

皇帝陛下赫然一怒隴右閩南相繼底定叛者柔服復
為良臣二方之民如無兵革竊謂故典所載討亂成功
者有矣必右翦左屠殲其類醜芟蕪而蘊崇之甚者永
留稼莠不擇而鋤大難雖平民氣破傷征役怨咨之感
不能寧息豈如今日初無鯨鯢之慘京觀之封轉危為
安易亂為治致效疾速捷于影響臣日侍班

殷廷命將出師之日親聆

德音巨憝而外勿僂一人倒戈來迎許以不死勦惡諱
論至再至三以故至誠感孚豚魚知格方之古昔惟舜
舞干羽而苗來文王因望而崇下庶幾近之史官載筆
宜有紀述宣示遐邇伏念臣待罪翰林以文章為職業
而謏菲固儻無以稱揚德妣竊聞詩有六義在朝宜雅
故有六月采芑車攻吉日江漢常武諸篇所以誌武功
昭文德示後人以則倣俾繼序思不忘臣輒不自揣著
為雅詩四篇雖不能如尹吉甫之萬一亦不敢為相如
班固符命貢諛之詞因事述言多所挂漏但區區之心

欲令天下萬世知

皇上仁勇天錫超軼前後更祈益加勩勉戴沛威恩使
反側之徒旦夕殄滅以塞臣庶之願望臣之此詩得附
寵靈以不朽誠不勝大願臣某昧死上

平隴石雅二篇并序

涇丘受降也

涇丘崇：安定麗

叶謀切

我有希臣以折以衝老羆卧

矣格于易過矣以國我圍以靜戎野

叶羊和切

矣○安定瘁

瘁涇丘據○我有虎臣化為豺與狼誰其飲之俾飢而

噬矣誰其條之俾馳而逝矣○羣惟其克羣餌其誘賊

我主帥戡我虛首民人毒痛甚焚于爐甚溺于塗以涕
以呼呼天無辜○

帝軫斯庶孔顛吳釋乃命臣海惟爾作朕爾爾惟一德

太清之緝實春而顧往綏殘黎武完頸脰叶徒切○彼携

者子始心非武大敢逋播共引領望爾承命勿替往

與之滿賊可坐而獨往與之叛衆可招而復○海拜誓

師次于秦郊我馬蹶○我士驚○孔武且豪搏賊以教有

亮有孽將整將咄我師方設則已顛蹶○乃傳其壘元

臣是臨施我武刑諭以德心往能思復其保爾族持女

以不死否則挈戮悔可邀提客則終辱墮胆未疆惟爾

之福。唐子知婦崩角勢而敢怙而抗，爰順以翼。叶須
臣罪不可赦，刎頸以謝龍頭之水流聲。嗚咽元臣止之。
汝無庸自紀。

皇帝慈仁其度如天，曰忍以一夫俾百族顛連。維國有

恒憲，維予有殊恩。

聲近音叶

洗女環，麻濯女垢，癰女宜自圖。

以蓋厥愆。其危既安如乳，獲毋戈鋌倒載。辟甲外鼓
昔也，樹命衆端以咤今也。輸誠衆謹以饒昔也。負竭有
壘，猶墟今也。萃心卧起于徐。

帝念秦隴喚之咻之，綏彼携貳輯之柔之。非我受降，

叶胡

公切為民受降，應之坤順。承命知非我，有慮為民宥惡。

雷雨之解百穀之澤。薄言震之龍右肅清元臣蒞步疆場克寧我氏有父母我

君有臣喻彼飛鶚渴懷好音上帝式臨無遐爾戎心

涇立十二章二章八句四章九句四章

十句二章十二句

關龍乎龍右也

關嶺茫々龍流湯々紆餘逶迤崢嶸嶢嶢而蜀肘涼輔車相將校焉啟疆震驚我一方。關嶺兀々龍流滴々彼涇啟戎乃蠢茲蠢賊為虺為蜴為蜎仰首張膽助逆抗有德如蠅之集如猳之突。涇原既靖乃羣賊

大震雖：時：廷旦夕之命

帝命臣海為隴民徙災

帝命臣勇師自西臨○

帝詔臣海女速涉坂出彼朝那為勇軍援騎之角之背
之盛之除民之患俾婦子其適尚嘉乃之績○海涉河
淫言驚滿漚秦山矗突嶽崎隴坂踰郊越涼飛旂揚旆
扶輿倚靡雲罕緯縑雍部阻長嚴憚痛瘡式遏寇虐以
寧爾室家叶古○勇自河西衝枚疾補來從酒泉轉戰
天水橋：帝臣一乃心力摧堅挫鋒盪彼姦賊兵車百
馬洵：雷震橫會方州為行為陳叶法○東西合圍賊

在釜底叶平聲其智斯竭其魄斯奪勇率其麾下誅谷討
曰臣思克曰臣進寶赴奮武為

王干城勇實帥之桓曰于征于征何所至羣平臨道
阻坂長蔽斷岑釜架入其阻禽獮草薶申用三驅根株
斷刈餘賊竄蜀遊魂猶悸西夏以綏賀蘭其又○脅從
蚩亦孔子哀寬其誅鋤予以惠來維海與勇剛克柔
克勇也帥師為闢為拔海地救民為慰為某北地上郡
稽顙歸命如早望寬海寶綏之○義威戡武英戎西陲
剖蜩斯蠅人畏以懷秦民噬呵化為詠吟殄覬暴悖克
廣德仁經戰伐區蠲除租薄間孤吊死周匝宏溥廓我

皇恩義聲先路○

帝德振々隴山既平隴流既清惟

天子之積隴山既伏乃黔身漢蜀敢不誓伏如翰如飛
萬里來威○維臣之力維師之武長驅洋洋莫予云拒
繫縛巨寇爭刊膾脯塞神人之怒黔首喁々式歌且舞
億萬斯年萬我

皇景祐

關隴十二章二章：八句二章：九句一章十
句一章十一句四章：十二句二章：十四句

平關南雅二篇并序

南紀平閩也

閩山屹：南紀雄藩吳越之會交廣之門維山塊矣女
其為礪矣惟海澤叶變切矣女其為帶矣○山則有黑海
則有蛟其物維何工為孽與妖鼓盪我藩臣誘為屑齒
以紛我疆理誰貪其餌百世之族一朝而祀○

帝念藩臣汝祖汝父勲在盟府惟汝孫子曷敢越乃武
根柢之撥枝葉則病予有肺腑臣乃不克令庶邦異正
維鉞之興翦焉斯定○乃

命親王視師於東金節煌：王矢朱方覽甲熊旂荷
天之寵叶疾切謀夫縱：武士充：以翼以馮共襄厥功

○

王師渾：言涉於江旌旆悠：江水不揚賊旅如林望
風奔狂員回草心痛胥後令受彼順命殄彼衛命○三
軍齊你進規退矩戰不貪誅禽不濫數會稽南部授戈
來附仙霞之關烏道天標一士拒險萬夫莫越我師度
之若履房園○師既戾止彼亦悔止乃轂乃蘇乃簡乃
副泥首拔髮抱胸出血率其臣妾萃于軍爰俟其行

天罰○

天子曰咈

叶方木切

朕聞大功之後其甯十世爾身一青予

其忍爾治忘人之過記人之功予為大君其敢不聰○

昔爾有車旗今予再錫之昔爾有土宇今予再闢之非
常之恩不可數得夙夜當厥懋以懋乃績 稽首承

帝命無數。闕方為亂

帝則伐之既伐來歸

帝則活之閭亂既平闕方既定

叶唐
加

帝悅而思思此疲氓簡其徭征施其青刑代虐以貞滌
穢以清。闕民歌呼

帝為戒采出我荼苦照我癰痍祝

帝之祀後天罔墜祝

帝之壽與地同久曷徒祝之心誠篤之施我後人世世

告

沃叶徒切之

南紀十一章一章八句二章九句四章十

句四章十二句

巨浸驅海寇也

巨浸稽天滔々如何天吳蜺像倚以為家

叶胡切

有鯨有

鯨有鯨有鼉鼉撞決帆血人于牙

叶牛何切

中國有

聖人爾獨揚其波。螽彼捷也亦離此處曰予勝國後

誕敢記其緒藉瑕蹈蒙伺窺肘腋知大邦有瘼載逞亮

惠離間我臣僕

叶吳堂切

盜據我家室。于興于于汀于

漳乃揚沸湯乃噪蜺螭我有城郭倏為沮洳我有民人

條為條緇忍冠項史

后来其蘇。王永

帝命建大將旗鼓我冠帶之國忍鱗介是伍我膺既綱
我戶既繆與子偕作與子同仇悉率左右殲此羣醜。
暨。藩臣一心一德討賊自贖不印已恤聖山堙谷馬
騰奔駛親董其旅以臨濛汜

陛下助赦臣臣敢不效死。將士和睦有鳧在藻既獲
賊師如飢斯飽或拔其角或脫其距或斧其吭或截其
臂賊窮見窘無地自處。彼牆者跳我據我逐彼弱者
死我殄我戮神基之嘉光速其覆如探穀穀

叶枯切如振

楊木匪我黥武取後殘已足。前徒既奔克渠束手知。
女上策惟有一走茫。烟島為逋逃藪仁無必取義不。
盡殺屏諸窮髮無污我。

王鉞。四州士女來迎。

王旅君子維何元黃在篚。叶小人維何饔飧在筥。叶于時
言。于時語。復為。

王人以耕以仕。叶歌。

帝之德誦王之武。

帝德溥將涵負吐納百谷來王天興地沓乾端坤倪太。
虛色括何人不綏何物不懷何戾不蠲。叶何善不嘉。

之叶
切居

皇仁熙之云何不來

皇帝在位受天之錄東西朔南無思不服其有不服自
嬰顯戮獻獻于泮獻俘于廟武功既昭文德用紹史臣
奏雅來哲是詔

巨浸十一章八章之十句三章之十二句

皇興表成進呈表

臣 某等誠惶誠恐稽首頓首上言伏以

玉曆膺符廓九圍于無外

金匱掌故閱千禩而彌新粵稽方策之舊開爰就興圖
之實錄敬陳歲事上冒

宸嚴欽惟

皇帝陛下德洽垂衣化隆溫慈運天下于掌左史右圖
宥海內于心屆南暨朔顧以疆分理析世遠代更禹貢
職方之陳山川不改蘭臺太史之籍建置多殊
持諭儒臣以校讐保正今昔之同異臣某等祇承

休命廣輯羣編首唐虞以迄元明二十三代由封建以
逮郡縣四千餘年沿革必數其歲時離合務祥其統屬
易國為表倣漢史序系之文尊輿以

皇法春秋一統之義不違夙夜幸底成書總計得目錄
一卷凡例一卷表十六卷恭寫進

呈竊念唐世撰十道之圖時經數載宋室修九域之志
朝歷一元蓋事煩則耳目難周而功速則心思莫罄况
臣某等才非述作期迫寒暄總營國琅瑯務求徵信而
魯魚亥豕恒慮傳訛据依祇竭其中長挂漏深慚夫博
物狀類

萬幾少暇一得必求觀其或邑或都即思歷代封疆之
險易察其孰分孰并即知一時形勢之重輕庶幾海濱
山陬戶庭可親細旃廣廈宇宙長通臣某等無任瞻
天仰聖激切屏營之至謹奉表題進以聞

賜御書太極圖說唐詩卷軸謝表

臣聞帝王之治莫大于右文臣子之榮必由于稽古況
乎奎章肆映仙藻紛披賚予有加恩華並重求之往牒
至今以為美談臣獨何人一旦膺茲異數伏念臣本由
素士叨玷清班祇以孤忠受特達之知遂以二品濫列
卿之秩每荷絲綸之見假與華袞而同褒曾分翰墨之
餘光比天綵而榮貴省躬循分溢量踰涯數載于茲寸
心滋愧乃者復蒙

聖諭勸臣以御書太極圖說唐詩各一卷自天題處猶
然香泛芝泥向日頒來頓覺春生蓬室既驚且悚竊忤

以欣拜命之餘罔知所措蓋伏遇

皇帝陛下至仁加獎大德曲成錄咄嗟之微勞推匪頒之渥賞若夫姿神環逸體格精妍結構則鵠跨鸞辟飛動則龍翔鳳翥波折則岳針懸露點畫則切玉錐沙在前哲尚患其難兼而

御筆則無之不備藏之什襲煥乎珠璧之輝捧以上所倬彼雲霞之彩洵為曠世之奇珍真是微臣之殊遇又臣父居禁闥日侍經帷伏覩我

皇上聖罔天縱而又多能質本生知而猶好學即此涉獵藝文之頃不忘探求性命之源至于六義離陳尤屬

萬幾餘事恭承

渙汗特沛

玉音蒞以成就之言寓以責難之旨擴如天之濶度仰
見主德之彌隆對若谷之淵衷夫豈臣愚堪上副敢不
益勵恪共勉思稱塞英毫厘之有補畢生竭報國之誠
庶咫尺其不違矣世作傳家之寶

葉文敏公集

歲

丹宸八歲有序

康熙十有二年三月丙子

皇上試詞臣畢仍

諭各書所作詩文以獻臣自惟蠅鳴蠅語不足進呈伏
念貞觀君臣論治謂守成之難過于創業

皇上纂承洪緒豐功盛烈既達過周成漢文然臣犬馬
戀主之誠不能自己昔周雅之于宣王非僅美之而已
蓋歲有庭螭規有河水誨有鶴鳴其在唐宋張蘊古陳

彭年俱獻大寶歲而李德裕在湘西進丹宸歲共首敬
宗嘉之手詔批荅前代人臣之于其君如此臣起孤生
受知

先皇帝拔置侍從今復事我

皇上兩朝恭養垂十五年方之古人名行雖不逮感激
圖報兢兢一念誰敢自寬謹仍德裕所獻歲名演為八
首惟

皇上少緩鈇鉞俯賜披覽臣不勝幸甚臣某謹昧死上
頌謨獻

承天之序宜順天之心毋曰高高上帝式臨感以至誠

不藉牲玉通以神明不藉田蠲水旱之慮惕之在先及其既至有禱必虔禳祥之兆克享斯答

皇心載寧乾德乃合昔周受命繼序成王既昭假爾夙夜不敢康敬之敬之道豈在遠視聽惟民天心是顯

紹衣箴

維

太祖太宗大啟疆土既櫛其風亦沐其雨暨我

世祖肇造天區乃文乃武民向神神翰聖謨洋洋

皇祖有訓一話一言賢于堯舜始之成之厥惟艱哉聰

明毋作紹聞是懷不愆不忘率由

三后大猷是經人惟求舊塗茂丹雘爲叙在今見之羨
牆動周勿欽

典學箴

天下之本在人主一身省之深宮之內如肅九賓天行
之健自強不息聖學乾乾與之爲一喜怒之發慎在將
萌理微之辨嚴諸未形雖有羣英燕處勿輟雖有萬幾
一夜必輟周人之頌日就月將聖敬日躋符彼殷湯圖
史在前師儒在側奎蒸宸章被于金石

勤政箴

川以日流則不竭天以日旋則不窮彼貞元之終始亦

迭運于春冬故禹惜寸陰周陳無逸三宗迪哲政以同失
雖照明明聖蔽勿生上下保泰言觀其大若網之在綱
目無不張若鑑之辨色有來必彰苟洪纖之莫擇程書
衡石雖勞奚益敢告來乾是嗣有誠鑒彼周宣釋庶言
而獨斷哲后則然

馭臣箴

爵人于朝迨爾是瞻六計弊吏統之曰廉法以馭官祿
以馭士既富方強使之有恥退也無愠不伐不求進也
無喜不親不誅雖有懷文不如抱質舍彼春華登其秋
實下有墨吏上必甚焉思潔其流務澄其源旌淑去方

先之無欲何以昭勸忠信重祿

民依歲

瞻彼四方民亦勞止中澤之鴻鳴飛未已引恬引養寄諸
有司寃以文法乃竟厥施荷羈縲而呈捷雖永濕其奚
為是以陰處大冬陽居大夏賦薄刑輕桎頑自化無曰
民盈而急其征無曰民弱依殘以刑譬彼川流匪特載
舟析薪而負無取友裘必朽索客是稟庶從欲而咸休

納諫箴

司諫有五所以達聰其言或慙寡心則忠惟辟作威以
數斯怒臣聞恤其身豈以沽譽神羊之觸可用燭奴昌

言是拜銘鐸交懸雖逆于耳于行必利雖拂于心于事
則遂匪惟宥之善斯受之匪惟行之直則旌之惟帝予
所惟聖從諫嘉言罔伏膏澤攸徧

示儉箴

稼不待斲茅以崇朴衣不用繡澣以去垢量地之利度
天之時先之以儉樽櫛自持勿謂太倉紅朽有粟黎民
阻飢賑之恒不足勿謂內府金錢是儲用以給軍士常
慮無餘懿彼漢文露臺是惜志在民依匪百金是嗇制
國之用惟節乃宜保盈去泰主德之基

葉文敏公集

文

昭陵神功聖德碑文

我國家景運龐鴻昊天篤祐誕至我

皇祖皇帝膺圖首出以聖續聖戡禍難而大經保用啟
無疆之祚以集後人惟是尊謚徽稱久光典冊而陵寢
宜有功德之碑發揚威美謹循舊章撰次大槩勒諸貞
石永示靡極銘曰

皇祖太宗應天興國弘德彰武寬溫仁聖睿孝隆道顯

功文皇帝諱

太祖承天廣運聖德神功肇紀立極仁孝高皇帝第四子也

母孝慈昭憲純德貞順成天育聖高皇后

皇祖生而神奇面如赤日龍行帝步舉止非常三歲時言辭英敏見即記憶至七歲

太祖託以內事負荷如成人孝弟夙成仁愛恭儉深謀遠慮用兵如神步騎射保超絕而性嗜典籍好賢禮下洞曉治國大體中外咸敬服焉先是

太祖有子十一

皇祖最所鍾愛

太祖崩貝勒大臣議以

皇祖才德冠世深得人心共哀推戴

皇祖堅讓不獲勉徇羣請既嗣位即以體天行道濟世
安民為念戒飭國內愛養兵民緩鞫新附發帑金給窮
民婚娶歲荒出倉粟賑貸惟恐一失不得其所征討不
服命將出師各授兵律一道自抗命外毋妄殺一人勿
橫侵一物有歸順者悉給土田俾隸編戶於是遠近慕
義爭先翕附國日富兵日強

皇祖每行師身先士卒指授將帥方畧百不失一然非
不得已未嘗輕用是時興我抗者南則明國西蒙古棟

漢兒東朝辭其一再征朝鮮也皆以其王背約亡禮縱
兵入其王都繫其妻子其王悔罪乞降即釋兵還所俘
掠待之悉禮有加其征蒙古揮漢兒也以靈丹汗恭虐
無道欲誅其君歸其民一晝夜兵行數百里至揮漢兒
地靈丹汗懼遠遁去收其妻孥人畜以歸厚加撫養不
令失業至與明大小數十百戰亡有不捷然下諸城獲
一俘時輒遣使遺其君臣書為陳禍福欲罷兵和好休
息斯民彼惡不聽最後攻取錦州松山杏山塔山殺敵
兵十三萬盡降其軍帥又遣偏師直搗山東山西地方
破八十八城獲親王宗室及官吏人畜無算

皇祖以交兵之際不忌無辜小民罹於鋒鏑遽班師而旋視敵國百姓不啻如我赤子自古未有不嗜殺人能若是者也

太祖朝百事草創

皇祖修郊祀以敬天上廟謚以尊祖建大號以臨下封藩王以睦親改定儀仗服色釐正官員職事禮樂刑政燦然一新常言克敵以武治世以文命歸孔子廟歲時致祭臣民子弟十五歲以下八歲以上俱令入學讀書又設科目取士用人寸長必錄小過必宥賞不遺卑邀罰不蔽貴近接待歸附溫言問訊笑語藹然不異故

舊故人人樂盡其力生平勤於聽政總攬萬幾兼理樞
訟每日三次與羣臣論決諸務毋滯毋壅令文學士翻
譯前代帝王成敗為鑑以考己身行事得失最好臣下
直諫時諭諸臣朕有拂情逆理須直諫勿諱朕從來斷
不肯以諫罪人對諸王大臣必告以民為邦本不可不
盡心養人聞歲豐民樂則忻然喜或歲飢民愁則戚然
憂一言一動不忘乎民如此以故治化覃被蒙古朝
鮮徧肯臣服明亦屢使求和自永北海濱以迄西北海
役犬役鹿產黑狐黑貂及不種五穀漁獵以生諸國俄
羅時國幹難河源等處咸修職貢大業驛：告成而

皇祖龍馭上賓矣嗚呼哀哉 聖壽五十有二在位十
七年癸 昭陵豫定于 山嗚呼哉

太祖奄宅東土

皇祖史加式廓席慶昌寢熾之勢伐無不勝攻無不下
諸方梗化者次第削平或降或殲皆入版圖矣故明失
政文恬武嬉盜訐民散當是時命我偏將提一旅之卒
翦之無難而

皇祖以上天好生為心重慮斯民荼毒之故不欲極其
兵威嚴器待時候彼國之自斃而以全盛之業謀之後
嗣辭之愈堅得之愈固豈不然乎豈不然乎皇天無親

惟德是輔民罔常懷之於有仁此與商周之先王積德累仁而克昌厥後俾其子孫饗大膺服者異世而同揆也異哉尚矣謹拜手稽首而陳頌曰

呈矣上帝鑒觀下土求神聖俾作民主鍾我

太祖龍興于東大勛未某攀髯遺弓

皇祖紹起智勇亶錫中外歸誠運屬當璧既嗣神器乃大丕承繼志述事在台一身思以養民勇以勵士開拓土宇日闢百里維近斯悅維遠斯休恃力者蹈從命者懷繫彼朝鮮本我隣國放轡遠隔自貽伊戚強弩堅櫓鐵騎長嘶馳驅電卷俘獲靡遺其王悔過牽羊肉袒受

降還俘待以誠款國人銜戴德逾再生爰勒金石頌我
仁聲揮漢不道象志離慙若蹈火湯如坐塗炭

皇赫斯怒往拔其民救焚拯溺倍道兼行國主潛逃兵
不血刃壺漿首途筐篚接軫綏其部落卹其妻孥爾田
爾宅俾莫厥居明季施組上下群體遘圉空虛首獲並
底羣臣文章謂弱可并

皇祖尚德先禮後兵諭彼君臣釋仇敦約各保蒸黎虞
詐毋作此厥不聽始誓六師用翦其彊敢悍驅馳我士
既武我馬宿飽俘王戮將疾于振槁

皇祖曰吁師其已而其君實甚其民吳誅凡此用兵皆

非得已念茲痼瘼如我同體棄之勿取振凱言旋我治
我國修德俟天出而省刑入而糾政不競不諫允誠允
敬既景不食未明求衣聞諫則憚好士如饑建官開科
定議整禮百度惟貞庶績咸乂殊方重譯山梯海航
讓加衆恭儉適彰維天維民理匪有貳天聽民視天視
民視芒々土域林々宅師不嗜殺人乃能一之

皇祖至仁湛深洋濫民心攸萃天眷斯集大命在躬受
而彌徐以翼神子乃式九圖肇開明堂配天作饗百辟
駿奔萬邦瞻仰巍々峻烈奕々崇陵神明栖止雲蔚霞
蒸鏤石綴文式垂億載於鑠綿々貽厥永賴

召對懋勤殿雜記

丁巳四月十四日

上召方萬楷學院學士喇沙里王懋勤殿

上諭方萬楷素知汝平日讀書誠實今日偶暇欲問汝等
經義可坐于側二人叩頭坐畢

上問無極之真二五之精何謂二五方萬楷對曰二者陰
陽五者五行又

問何為妙合而凝方萬楷對曰天地人物生生不窮總一
理與氣為之而已氣非理不能凝聚理非氣亦無所附
托既不可分之為二又不可名之為一故云妙合而凝

此乾道成男坤道成女萬物化生之根本也

上曰女所言甚透微因

命隨意講中庸一節方謁啟奏

皇上天縱聰明義理淹熟臣不敢訓詁字句謹請教陳
大義乃進講天命之謂性三句曰子思氏作中庸首言
性道教三者性者人人固有之理道者人人當然之則
但中人以下多為氣稟物欲所拘必有繼天立極之聖
人秉教于上先知覺後知先覺之後覺然後天下始知
此固有之理當然之則于我至親至切雖須臾亦不可
離所以三者之中教為尤急今日作君作師之責全在

皇上庶幾道統治統復歸于一又講博學之一節曰孔子既言誠者誠之者兩重人此復中舉擇善固執工夫可見天資不可恃而人功必當勉古來生知安行的聖人無如堯舜只看堯授舜舜授禹人心道心精一執中何奇諄：昔戒並未嘗廢下學工夫

上曰然舜好問而好察邇言此即舜之審問之也又問學問思辨是知篤行是行知行二者孰要方藹對曰宋儒朱熹言論輕重行為重知為輕論先後知為先行為後不知如何可行

上曰雖則如此畢竟行尤緊要不行知亦是虛因言行

的道理單只一誠字凡為天下國家有九經所以行之者一也一即是誠方藹奏曰臣等愚昧蒙

皇上天語開示如披霧見日不勝感激又

命講大學若有一个臣節

問有技者聖如何分別方藹對曰有技是有才的人
聖是有德的人大臣之職專在以人事君蓋天下事非一手足可辦得一體有容之臣即可得千官有技
聖之人則天下之才皆其才天下之德皆其德矣
上皆領聽講畢

上問聞汝通五經能成誦否方藹奏曰臣資性魯鈍五

經雖曾讀過不能成誦又

問四書方藹奏四書白文記得註恐有遺忘

上曰聖賢言語不可不熟讀周誦告子性猶杞柳也一章

玉音朗然又

問左傳史記何如方藹奏左氏羽翼春秋有功聖經司馬遷稱良史才又

問漢文誰最好方藹奏賈誼董仲舒劉向之文理與詞俱優者也匡衡貢禹之文理優詞不足者也司馬相如如王褒之文文優而理不足者也當以詞理俱優為上

理優而詞不足次之詞優而理不足為下又

問女居常臨何帖方蕩奏素未臨帖

上曰女字類鍾繇方蕩奏臣未嘗學鍾繇即臣同官

嘗言

臣

字類蘇軾

臣

亦未嘗學軾書朋友尚不相欺君

父之前詎敢隱諱

上曰女可賦一詩以紀今日之事方蕩奏臣拙于詩蒙

皇上拔在講筵日有經書通鑑做講章大廢聲韻恐做

來詞甚蕪穢不敢汗

天覽

上曰女前奏八歲及詩甚為如何云不能詩

命內侍取方藹所進二冊子至曰此冊朕常展看方藹
不敢辭因賦七言四句兩首進

呈第二首有云後卓前席非常事光寵何當及小臣
上覽之笑曰女母乃太自謙耶又

命書唐人詩一幅

賜茶同喇沙里叩頭謝

恩出臣葉方藹恭記

書 賜翰林張英高士奇 御製詩後

臣 英 臣 士 奇 出

御書長日同二臣登景山詩示臣臣再拜誦起而言
曰至矣哉臣不佞少受詩于師至卷阿首章曰豈弟君
子來遊來歌以矢其音嗟古之人臣從聖君遊其君
樂而歌之以寵夫臣其臣獲賡而述之以美夫君君臣
之間其樂如此豈獨今日乃身觀之在臣猶忻喜踴躍
況二臣之親被殊榮者乎然臣又讀卷阿三章至六章言
土宙之廣弗祿之康皆由馮翼孝德之助而為四方之
綱紀七章至九章則言吉士之多皆在王之左右而求

章則又言君子之車馬衆多而閑習足以待天下之賢人而不厭其多于是獲歎聖帝明王于當世之賢者莫不欲將之以禮決之以情推此樂以同之于其所及而其所未及可知也然則斯道也匪特二臣之榮天下之士引領而望焉

葉文敏公集

疏

請增廣祕府文籍疏

臣方謁題為請增廣祕府文籍以光文治事臣惟帝王為萬世學術會歸為一代制作宗統是以天府藏書期於無一不具凡奇文祕典今間所不得見者悉在禁中所以備清覽資聖學非小補也臣奉

簡命充纂修明史總裁官竊考作史之例有藝文一志總裁一代見存書籍皆依據當時內府藏書編成目次

我

皇上天縱聰明孜孜念典博綜經史靡曠不探見今內
庫之書連廊充棟載籍千茲大備臣獨慮宋鼎以前曾
罹兵火四十年来未經校勘得無有殘缺失次重叠闕
淆者乎歷稽前代如漢之天祿石渠隋之文德嘉則唐
之昭文集賢宋之三館秘閣其書多者至三四十萬卷
少者亦數萬卷至今猶想其盛哉

國家創業垂統規模宏闊凡土宇版章甲兵財賦無一
不踰越百王至于秘府圖書何獨不然第前世書籍所
以能聚者皆由旁蒐博採或下求書之詔或遣徵書之
使或懸募書之賞臣願稍效其義或

初部議有獻書若干卷者作何獎賞錄用或如近日史館見行事例責成各省督撫學臣採訪進呈則四方遺書必皆鱗集秘殿之藏不難窮富極備也抑臣又有進焉古今書籍去聖久遠羣言淆亂必有聖人在上兼作君作師之任者出而折衷論定之乃可垂訓萬禩前世有校書郎秘書監丞直秘閣校理等官其職止于勘正缺訛有七畧七志七錄四部等書其義止于區分類別未有能辨治理之醇疵學術之得失者哉

皇上居作觀之尊紹精一之緒治統道統總在一身書籍既備之日尤當獨出

審裁標舉義例令儒臣奉為章程分曹校勘先儒先之
說足以羽翼六經闡揚至道者取而表章之予史文集
有純有駁後而辨正之其餘醫藥卜筮之書有切于民
用裨官雜說不詭于正義者務須別擇去取若夫離經
叛道誑虐謬悠之談明示放絕令天下後世的然有所
依歸明義理以正人心一道德以同風俗視昔之徒以
卷帙繁多為富以校勘詳審為精者豈不超出萬一也
哉終條陳書籍事宜字多逾格貼黃難盡伏候
採擇施行

史書關係重大懇祈 天語中誠疏

臣方藹等題為史書關係重大懇祈

天語中誠俾臣下知所遵守以成一代之巨典事 臣等
叩蒙

聖恩命為纂修明史總裁官自惟謏劣負荷曷勝但以
編摩之任史臣專責敢冒昧而授辭也伏思史之有作
所以列美惡著勸懲考政治之盛衰審質文之釐革是
者取之否者舍之語曰善為國者視前王為其時甚近
取鑒莫切乎此也斯其事誠最鉅矣然其責則在作史
之人一代之行事作史者得予之奪之一代之人材作

史者得進之退之片言加斥則幽壤飛霜隻字見襲則枯條生棘設立心有一毫未公考據有一端未確紀次無法論議不明何以昭示後人使惡者知畏善者知慕斯其事又最難矣故明享國垂三百載其間君臣上下賢愚忠佞之不同制度典章隆殺繁簡之數列斯真得失之林從違之鑑也但我

朝三十餘年以來勝國文獻日就湮沒又今纂修官約計六十餘員家異師人異學保無傳聞之各別意見之不齊者乎臣等學術既陋素望又輕欲令折衷華言會歸一是以有最鉅最難之責此所為中夜傍皇踰階靡

措者也竊觀歷代史書之前不曰奉勅修則曰奉初編
某唐太宗詔房喬等修晉書曰製宣武紀陸機王羲之
傳論四篇以爲準式宋仁宗詔歐陽修等修唐書明太
祖詔宋濂等修元史殷勤戒諭累百餘言故其臣恪恭
遵奉克藏厥事洪惟我

皇上緣于聖之精微彙百王之損益凡一舉動悉欲爲
法于天下立極于後世遠非唐宋元明之主可比念明
史一書所關甚大臣等忻遇

聖明不自揣量仰祈特沛

綸音一加申誠則在事諸臣人人各思職掌儼如

天威咫尺臨之在上孰敢不化偏囑之私共歸大公之
理臣等庶得憑藉

寵靈以免愆越之罪書成之日首列

天語于簡端俾萬禩而下灼見我

皇上留心法戒盡憲無窮之至意豈惟諸臣之幸抑亦
臣民之光也臣等無任惶恐待

命之至

刊完尚書解義疏

臣方藹題為進呈刊完尚書解義仰祈

聖鑒事

臣等于康熙十七年二月初二日奉

旨爾爾衙門四書講章刊完可即將書經講章刊刻欽此

臣等忝廁禁近日侍

講筵伏觀

皇上睿學崇深宸修遜敏窮聖賢之闢興漚治教之源
流通者日講四書解義刊刻告成普錫臣工頒行中外
固已人沾文德戶佩教思尤以尚書為道法之大原帝
王之弘訓研精務悉討論宜詳每當進講之時必

天語親為闡譯凡此精微之蘊在

聖衷畢屬融通踐于身心發為政事時幾是初即哲后
奉若之誠欽恤頒行乃聖帝好生之德賑災贍乏無非
堯咨舜徽之懷伐叛安民不異禹哲湯征之道此蓋聰
明性靈懋迪功隆實有得于典謨訓誥之中故能措諸
天下國家之際恭蒙

綸言丕布命以講義校錫節見脞道愈勤訓行愈廣以
作君兼作師之統即成物完成己之功臣等學術迂疎
見聞淺陋測義窺管也思發明先聖之傳訂異恭同惟
是竊取諸儒之義庶藉樂鉛之役少抒獻納之忱謹效

編摩後加刪潤彙梓成帙裝潢進呈惟我

皇上時置座隅彌勤省覽存之精一以執厥中敷之蕩
平以達有極豈無逸之義而迪哲以知依誦立政之篇
而用人皆常吉將見已治益臻于治已安益進于安冀
萬年垂裕之基被四表光華之烈臣等不勝區區之願
謹具題恭進以聞

請購書籍疏

臣方萬題為史館刊脩有待謹具疏題明並陳預購書籍事宜仰祈

勅部速議事竊臣等自奉

命提修明史悚息愧汗深懼以淺學寡聞編摩無術致負我

皇上取鑒前代宏憲後世之至意茲因監修官臣徐元文未經到京尚未開館其間規模次第及一切應行事宜提俟監修臣到日開館分編公同商確更有應請旨定奪者亦俟陸續具題仰候

睿斷臣等謹此先行題明獨是購書一事應及史館未
開刻期彙取以備入館纂修之用若待監修臣到後再
議敕促恐時日益致遷延故臣等未得不預期中請前
內閣同翰林院會題疏內請令禮部行文各直省督撫
不論官員士民有收藏故明書籍者不拘忌諱俱送該
地方官量加獎賞奉有

俞旨遵行在案臣等竊慮地方官職務頗多難遵依卽
文止于奉行故事不能極力購求而藏書之家又吝惜
不肯出獻稽遲日久即使各州縣間有呈送不過以尋
常見聞之書充數塞白終無裨于實用在萬曆以前第

蹟尚有實錄及從前書籍可以參攷若故積兩朝非得
確有記載之書而徒憑區區斷簡殘編之即抄以為依
據則挂漏差訛勢必不免矣哲匠治室必先定材良工
琢玉必先利器書籍者作史之材與器也假使一無証
據後何刊削成編故購書一事實為史局第一要務查
明修元史時因元統以後實錄無攷留詔儀曹遺儒士
歐陽佑等分道採訪凡涉史事者悉命郡縣上之今請
勅部并行確議或令直省督撫責成該管學臣或遣官
專行採訪不獨專載故明事蹟有裨史事即如各郡縣
志書及明代大臣名臣名儒文集傳志皆修史所必需

務令加意搜羅以期必得其藏書之家或詳許卷帙多寡給五若干或開注姓名送部俟纂修完日仍以原書給還或有抄本書籍官給勸直遣人就其家謄寫撫之朝廷曲示旁求則人心倍加踴躍奉行既有專責則部檄不慮虛文及今預行購取待史館開日續送到館庶不致掘井于既竭之時而結網于臨淵之後矣為此具奏

聞

請復講官缺員疏

臣方萬題為請復講官之缺以弘啟沃之功兼陳進講事宜仰候

睿裁事臣觀自古聖王勤思典學必博求多聞直諒之儒置諸左右以為遜志時敏之助蓋泰山不讓土壤河海不擇細流故能成其高且大也洪惟我

皇上以生知之聖研精問學舉凡千聖之源流百王之損益莫不究極淵微該條貫羣頌首出之一人矣顧猶妙選儒臣俾居侍從之列備顧問之班如臣庸劣亦蒙採擇濫厠禁近八載于茲每當進講之時

天顏和霽溫語誘誨豈非望其各抒一得稍有裨
聖德之高深乎臣竊念見在講臣除臣至愚極陋一無
足取其他皆

皇上親自遴拔經明行脩之士然以為集思莫若多取
益莫若廣又臣衙門近遵明

旨

皇上與內閣臣面決幾務凡有
聖諭及奏對語言逐一記注其

如

廟經筵讀卷諸大典悉令侍班至于一應講義有分章

各撰者有繕寫正副本者有校正發刊者此外更有編纂諸書撰著冊文碑文祭文各執掌頗為煩多司不暇給伏查康熙十二年十一月奉

旨日講起居注官滿官應設伍員漢官應設十員一時誦以為盛事至康熙十四年九月講官崔蔚林告病員缺奉

旨傳補以後漢講官遂止九人今翰林各官荷

皇上栽培彬彬在列倘得仍添一人復前十員舊額庶事務辦集人人濯磨淬厲以副

聖明求材任使之至意矣抑臣更有請焉宋臣司馬光

言朝廷侍從之臣必使時時給對上前一則下情上達
無所壅滯二則知其能否才器所任黜陟取舍皆得其
宜茲者進講止臣與侍講學士臣張玉書二人惟恐敷
陳未盡以臣臆見合無令臣與玉書照舊逐日進講外
其餘日輪一員一同入侍在諸臣各得以忠盡素蘊畢
聽于

聖天子之前而

皇上又可于從容燕閒之間察知其人品學術以俟他
日器使其于曠重講官之意未必無少當也臣雖不肖
竊慕古人以人事君之義冒昧瀆陳字稍逾格貼黃難

畫伏祈

睿鑒施行為此具本謹題請

旨

擬上疏通翰詹官僚疏

臣方竊題為翰詹人材日壅請酌議疏通之方以示激勸事竊惟自古官人之道以德詔爵以功詔祿而又為之考級序其年勞俾自一命而上莫不有進用之階得以感激奮勵趨事赴功古帝王鼓舞人才之道不出乎此哉

皇上知人善任進賢使能自臨御以來董飭官方澄叙流品在廷之臣師帥濟濟無不歡喜起而慶業征象非皇上砥礪作新之效也至于翰林一官號為文學侍從之臣班聯親近職掌清華尤蒙

皇上願待特厚歷科加意選擇教育栽培尚慮或有遺才漫旁求海內鴻博之士盡充館職自古詞臣之盛未有如今日者也惟是人材既多不得不籌其進用之道苟進用有滯則字

皇上作人至意猶恐未周臣備員翰林日見翰詹兩衙門人多缺少日漸壅積不得不敷陳其弊今翰林中單就編檢一項不下百有餘人其所應陞之缺講讀以上僅十三員詹事坊局僅十六員一年之內得升轉者多不過一二人以百餘人待一二員之缺勢必至五六十一年然後可盡少壯者且憂衰老衰老者尚漫何望三年

一選庶常比年一散編校國家定制將來取士在此百餘人之後者壅滯彌甚將何以處之翰銓科道四衙門並稱清要科臣十二員每年陞轉二人道臣二十四員每年陞轉四人吏部四司十二員每年陞轉二人獨翰林百餘員每年止陞轉一二人多寡遲速相去判然彼常懸缺以待官此則皓首而不調何不齊之甚也其所已然者別衙門升遷凡各部寺大小京堂等缺概得補授惟翰詹止于本衙門升轉缺少人多遲取無路雖策名委贄在人臣不常計及遷轉之遲速官秩之崇卑然常人之情熱不慕功名而期通顯今既知進用甚難或

遂自甘願廢臣見在籍詞臣或有十數年不赴補而現在者請假移病紛紛見告未必非此之故也臣愚以為人材猶器用也淬厲拂拭則精采日出委而置之則漸就敝朽天之生材既艱長養成之尤不易以我

皇上累年培植之多士聚於闕廷誠宜及其鋒而用之不當令志氣萎靡銷精挫銳而不自知也夫人臣致身東西南北一惟君命隨材器使何處不堪自効仰祈勅部詳議凡屬翰林并將或查本朝行過事例豈無可復舉行者或考前代設官舊制豈無可損益變通者細加斟酌務求疏通之實効提

皇上至仁俯念儒臣曲示鼓勵非臣能窺測萬一也緣
係條陳衙門事宜字多逾格貼黃雜書伏候

宸鑒施行

奉辭 罷命疏

臣葉方藹等謹奏為驚聞

罷命揆分逾涯謹涯微誠仰祈

睿鑒事本月日吏部宣

旨葉方藹着加禮部尚書銜沈荃着加禮部侍郎銜蔣弘道崔蔚林嚴我斯着加詹事府詹事銜董訥王鴻緒着加翰林院侍讀學士銜張英授為翰林院學士兼禮部侍郎高士奇授為翰林院侍講杜訥授為翰林院編修張玉書所叙尚輕滿州官員共著勤勞亦應議叙着再議具奏餘依議欽此臣等跪聽之下不勝震悚伏念

臣等行能罕取學術罔聞欣茲際于

聖朝遂謬叨乎講幄恭遇我

皇上覃精稽古篤志就將以天縱之生知乃日勤于念
典義理深而發為政治勲業盛而煥以文章獨契千聖
之心傳兼綜百王之道法臣等即欲罄其顛愚仰贊萬
一而聖凡迥隔窺測靡由方凜尸素之堪羞忍辱

愚光之濫被在

皇上天高地厚之施實屬非常感舉而臣等捫心自思
寵渥逾分若遂覲顏就列豈惟自忘愧恥抑亦仰負
聖明且前此講筵諸臣多有侍從年勞從未達此異數

臣等竇慚瘵曠何敢遠爾欽承伏望

聖慈垂賜照察知懇辭悉出微誠披瀝絕非飾說臣等
各循愚分仍守舊銜庶衆影得以即安官方不至順越
臣等不勝悚仄待命之至為此具本奏

聞

奏請 旨事疏

臣葉方藹謹奏 臣于康熙十六年正月二十一日奉

旨充孝經衍義總裁十七年二月初十日奉

旨充鑑古輯覽總裁十八年五月二十六日奉

旨充明史總裁除孝經衍義臣與學士臣張英公同較

對改正訛現在繕寫過六十餘卷俟完日放奏進呈外

其鑑古輯覽臣與學士臣張英公同看閱尚未發寫至

明史一書史館諸臣分纂二年有餘臣與左都御史臣

徐元文學士臣張英書公同商確雖規模畧定而餘目

繁多一時未易告竣臣今奉

簡命往部辦事才識淺陋兢懼弗勝應否仍同諸臣照
舊料理未敢擅便為此具本謹題請

旨

葉文敏公集

詩

癸丑侍宴瀛臺泛舟賞荷應制十首

鳳輦凌晨出龍旗夾道陳兩師
終灑路風伯更清塵九
陌恩光徧千門淑氣新
萬人扶杖看

天子肅嘉賓

夏后璿臺上周王瑤水前何如逢

聖主開宴集羣賢雲璽真丹地
冠簪儼列儗千秋傳盛
事光耀史臣編

御座霞為幄花林玉作堂更無凡迹到只許近臣來睟

穆依天表恩榮決上台太平欣正永長日得追陪
詔許仙舟泛人行一鏡中象從河漢接氣與斗牛通
蒼翻輕影鳬鷺暖連空朝宗皆到海心共百川同
光風動水際異采發華滋翠蓋亭亭立紅衣冉冉
枝低駭鬢密葉暗巢鳬微物生多幸終年荷

聖私

泰始駢花見元嘉合幹生昔人間艷羨此日親芳榮美
景行

皇覽佳辰暢

睿情迎曉前漫却應是戀霓旌

台鼎羅庖膳中人獻酒漿兼珍

宸澤沛溫語

帝情長北斗臨堯陛南薰叶舜裳還應歌既醉一為答
君王

飲出僊盤露餐分 內殿冰清詔聽綠水芙蓉就蒼藤
坐許移前席車容托後乘熊羆今不少誰與夢相應

皞皞人歸化欣欣物遂初瑤階爭拾果玉洞競探書馴
狎因鳴鹿紛披蓂躍魚願將式食意普被萬方餘

先帝昔召見微臣拜冕旒臣昔丁酉歲充江兩貢士至京師蒙召見試流臺賦于

詞人 中授
置第一 今來還索筆復得奉

宸遊術淺慚無補
恩深恨莫酬
此心同治升
歲歲繞瀛州

恭和

聖製賜內大臣輔國公俄啟絕句
雙飛一箭墮
秋風繁弱猶彎舊賜弓
天子止歌狸首待將軍
不教常頭雄

恭和

聖製大將軍奏至元亮傾蹕賊黨潰散
勅諭諸將帥分道進剿以安生民其有歸命者用心撫輯毋負朝廷至意

已正天誅待

后来

皇恩一面網還開即看洱海垂橐入直向瀾江洗甲迴

八月二十日

召見懋勤殿奉

命賦經筵詩

延英別殿集簪裾

聖主親臨問道初稽古思陳金鏡錄弘文時辰石渠書

一元苞衍真無外半部經綸自有餘

是日講臣進講
周易論語二書

愧小儒奉盛典欲賡訪落恨才疎

應制排律一首

黼黻興朝盛規猷冠百王義圖開畫久姬曆卜年長
扶極三辰泰乘時萬象昌河山綿誠誓堂陞載賡颺
蹕夔龍扈蕭韶鳥獸踴犧牲歆太室蒲穀會明堂嶽瀆
羣靈合尊疊七世嘗瑞非微寶鼎歌自誕芝房博望晨
移仗延英夕奉觴

兩宮承任似二典並虞唐玉樹甘泉側春臺紫極旁金
根迎短蕙黛帔拂仙萼

帝宸虛衷切宸憂瑣尾傷屢頌罪已詔廣發賑民倉
蠲賦仁過漢求材渴若湯艸營無乳帟骨鯁得神羊數

教通邛樊來庭駕海航波恬蛟蜃靜雨洗甲兵藏赫濯
威方戢休明化更張同風先首善拜老自膠庠車賜桓
榮美經傳子政良蕩平

皇建極炳蔚士觀光 秘殿著華有 天家翰墨場高
雲高壯采聯璧煥精芒廣域蒐羅徧中區覃究詳

睿思騰日月 聖學富琳琅金鏡千秋在丹書一卷將
起居勤注座辨色早臨闈庶務咨興草羣材待激揚從
來施大澤貴在振乾綱幽絳陳無逸唐風省未失丕哉
鴻業懋卓絕令模彰乍捧如綸

旨旋裁急就章竊賤催賦手莖露潤詩腸握槩留芸閣

揮毫效柏梁

天威真尺五薄技只尋常
堦藥含新藥磚花過夕陽
嚼枝驚舌巧歸堂燕泥忙
東壁光堪把西清興不忘
下冬鈴索響師濟佩環行
思之剗蛟銳鋒慙飲羽
強敢言治文史便足効
匡襄秋實誠堪採春華
枉自芳致君期麤藥興
世作資糧難補惟堯袞
長春是舜裳薰風時拂
拂靈雨更漲、雲沐

皇恩重涵濡至德臧燭餘
崑院燼木染返朝香袞
頌思賢士雄文警穢荒
願持睥睨意一為答無疆